

Inatsisartut suleriaasianni § 33 naapertorlugu tulliuutoq aalajangiivigisassatut siunnersuut matumuuna Naalackersuisut saqqummiuppaat.

**Uunga siunnersuut: Kukkunersiuisut akuerisaasut aamma kukkunersiuinermik suliffeqarfiit pillugit inatsisip Kunngip peqqussutaatigut Kalaallit Nunaannut atuutilersinneqarnissaata Namminersorlutik Oqartussanit ilalerneqarnissaa pillugu Inatsisartut aalajangiinissaat**

(Inuussutissarsiornermut Niuernermullu Naalackersuisoq)

**Aalajangiiffigisassatut siunnersuutip imaa**

Inatsisartut ukiakkut 2021-imi ataatsimiinneranni, Kalaallit Nunaanni inuussutissarsiornermut sammisunik maleruagassiuinernik nutarterinerit annertuut, akuersissutigineqarput. Sukkanerusumik aamma naammassisaqarfiunerusumik aningaasarsiornikkut pinerluuteqartarnernut iliuuseqartoqartarnissamik periarfissiisussanik, suliffeqarfiit piginnittuisa ersarinnerusumik aqqissuussaannissaannik qulakkeerisussanik, piginnittuiusunik nalunaarsuinermik, nutarterinerit ilaatigut imaqarput. Kukkunersiuisut naalagaaffimmit akuerisaasut aamma kukkunersiuinermik suliffeqarfiit pillugit inatsimmik Kalaallit Nunaannut atuutilersitsineq pillugu peqqussutissamut siunnersuut, Kalaallit Nunaanni inuussutissarsiornermut sammitinneqartumik maleruagassiuinermik nutartereqqinnermut ilaavoq.

Ilaatigut kukkunersiuisup inuussutissarsiuutimigut qularisaqartarneranik sakkortusaanikkut, kukkunersiuisup arlaannaannulluunniit attuumassuteqannginnissaanut piunasaqaatit sakkortunerulersinnerisigut, aamma kukkunersiuinernik suliffeqarfiup ilumini aqqissuussaananeranut pitsaassutsimik aqutsineranut piunasaqaatinik ukkataqarnikkut kukkunersiuisarnerup pitsaassusiata qaffannissaa, taamaaliornikkullu naatsorsuutinik kukkunersiukkanut tamat isiginnittaasiannik pitsanngorsaanissaq, allannguutissatut siunnersuutini siunertaavoq. Tamatumunnga peqatigitillugu, allannguutit allaffissornikkut inatsisitigut piunasaqaatinik oqimaatsunik pisariaqanngitsunik, tamakku, kukkunersiuiunerup pitsaassusianik kukkunersiuisullu arlaannaannulluunniit attuumassuteqannginnissaanut qulakkeerinissamut pisariaqanngiffiini, pitsaaliuissapput. Aammattaaq allannguutit pisortat kukkunersiuisunik nakkutilliinerannut naammassisaqarnerulersitsiffiullunilu piuninarsaassapput, kiisalu kukkunissamut aammalu amigaateqarnissamut navianaatit annertunerpaaffiitut nakkutilliineq siunnangerfilerlugu.

Peqqussutissamut siunnersuut manna aammattaaq aningaasarsiornikkut pinerlunniartarnernut akiuiniarluni naammassisaqarfiunerulersitsiniarluni suliniutinut ilaavoq, pinerlunnikkullu aningaasarsianik malunnarunnaarsaasarnernik peqqarniisaarnianillu aningaasalersuiniarnernik pinngitsoortitseqataassalluni. Taamaalilluni kukkunersiuisup kukkunersiuiernermini assersuutigalugu pinerlunnikkut aningaasanik pissarsiaasunik malunnarunnaarsaanernik, aningaasaqarnikkut pinerluuteqarnermik imaluunniit aningaasaqarnikkut pinerluuteqarniarnermut ersiutaasunik toqqorteriniartoqarneranik malugisuugaqarsimaguni, kukkunersiuisoq aqutsisunut tamanut tamakku pillugit ilisimatitsissuteqartarnissamut pisussaaffeqarpoq. Aqutsisut paasissutissanik tunineqarnertik tunngavigalugu iliuuseqanngippata, imaluunniit aqutsisuni qitiusumik ilaasortaasut pinerlunnermut peqataasimappata kukkunersiuisup pinerlunneq nalunaarutigissavaa.

Tamatuma saniatigut, suliffeqarfiit tamanit soqutigisaqarfigineqartut naatsorsuutaannik inatsisit malillugit kukkunersiuisussaataitanermut piunasaqaatit aalajangersimasut pillugit Europa-Parlament-ip aamma Råd-ip peqqussutaa (EU) nr. 537/2014, 16. april 2014-imeersoq malillugu nunat ilaasortaasunut periarfissaritinneqartunik sakkukillisaanissamut periarfissanik atorluaasunik maleruagassanik peqqussut imaqartinneqarpoq, tamatumalu kukkunersiuiernermit inatsisip peqqussummut naapertuunna qulakkeerlugu. Peqqussut (Forordningen) peqqussummut (anordning-imut) ilanngussatut ilaavoq. Tamanit soqutigisaqarfigineqartut suliffeqarfiit (tuluttut PIE (Public Interest Entities)) siunissami børs-imut nalunaarutigineqarsimasunik ingerlatseqatigiiffinnik, bank-inik (aningaaserivinnik), kreditinstitut-tinik (taarsigassarsiniartarfinnik) aamma forsikringsselskab-inik (sillimmasiisarfiittut ingerlatseqatigiiffinnik), ilaqartassapput.

Aammattaaq Inatsisartut katersuunneranni matumani, ukiumoortumik naatsorsuutit pillugit inatsimmik allannguutit pillugit inatsisini assigiinngitsuni aalajangersakkat ilaat, Kunngip peqqussutaatigut Kalaallit Nunaannut atuutilersinneqarnissaat Kalaallit Nunaanni Namminersorlutik Oqartussat ilalerlugu akuersinissaannut aalajangiiffigisassatut siunnersuut Naalakkersuisut saqqummiuppaat.

#### *Inatsisit atuuttut*

kukkunersiuisut naalagaaffimmit akuerisaasut aamma kukkunersiuisut nalunaarsugaasut pillugit inatsit nr. 302, 30. april 2003-imi, Kalaallit Nunaannut atuutilersinneqartoq, inatsimmik nr. 468, 17. juni 2008-meersumik atorunnaarsinneqarpoq. Kingulleq eqqaaneqartoq 2016-imi annertuutigut nutarterneqarpoq. Taamaattumik peqqussutissatut missingiut manna kukkunersiuiineq pillugu inatsimmut 2008-miit 2020-ip naaneranut allannguutinik tamanik imaqarpoq.

### *Siunnersuummi qulequttat pingaarnert*

Kukkunersuisut akuerisaasut aamma kukkunersuineramik suliffeqarfiit pillugit inatsimmut peqqussutissamut missingiut, ilinniaqqittarneq, arlaannaannulluunniit atasuunnginnissaq, kukkunersuinermi pissuserissaartumik ingerlatsisussaaneq, suliffigisap iluani aaqqissuussaanaissaq, pitsaassusissanik nakkutilliineq, akuerisaanerup atorunnaarsinneqartarnera aamma nakkutilliineq, kiisalu kukkunersuisut akunnerminni imminnut akuerisarnerat pillugit maleruagassanik imaqarpoq.

Peqqussutip imarisai pillugit paasissutissanik itisiliinermut eqikkakkamut ilanngunneqartumut Innersuussisoqarpoq.

### **Aningaasaqarnikkut aamma allaffissornikkut pisortanut kingunerisassai**

Peqqussutissamut missingersuusuaq aningaasaqarnikkut imaluunniit allaffissornikkut pisortanut kinguneqassaannngilaq.

### **Aningaasaqarnikkut aamma allaffissornikkut namminersorluni inuussutissarsiortunut kingunerisassai**

Inatsisissamut siunnersuut soorluttaaq allannguutinik allaffissornikkut oqilisaassisussanik, aammattaaq allannguutinik allaffissornikkut suliffeqarfinnut nammagassisussanik imaqarpoq. Kukkunersuineramik suliffeqarfiit piumasaqaatit tamakku, assersuutigalugu kukkunersuinermi standard-it kingunerisaannik inuussutissarsiutit taakku malitaat, ullumikkut malitareriigarimmatigit, allannguutit annertunersaat kukkunersuineramik suliffeqarfinnut nutaanik kinguneqaataasussaannngillat.

### **Innuttaasunut aningaasaqarnikkut aamma allaffissornikkut kingunerisassai**

Peqqussutissamut siunnersuut aningaasaqarnikkut aamma allaffissornikkut innuttaasunut kinguneqassaannngilaq.

### **Tusarniaaneq**

Kukkunersuisut akuerisaasut aamma kukkunersuineramik suliffeqarfiit pillugit inatsimmik Kalaallit Nunaannut atuutilersitsinissaq pillugu peqqussutissamut siunnersuut, piffissami 10. december 2021-imiit 10. januar 2022-i ilanngullugu tusarniaasarnermut nittartakkami tusarniaassutigineqarsimavoq, kiisalu tusarniaavigineqartunut attuumassutilinnut nassiunneqarsimalluni.

Kukkunersuisut akuerisaasut aamma kukkunersuineramik suliffeqarfiit pillugit inatsimmik Kalaallit Nunaannut atuutilersitsinissaq pillugu peqqussutissamut missingiutip tusarniaassutigineqarnerani GrønlandsBanken oqaaseqaatinik nassiussaqqarpoq. Kukkunersuineramik inatsimmi atuutilersitsinissamut piffissarititaq imatut aaqqissuunneqassasoq, maannamut kukkunersuisumik toqqaasarnerat isumaqqarpat

kukkunersiuisumik nutaamik qinersisariaqassappata imaluunniit  
kukkunersiuisussarsiuussinermik neqeroortitsisoqartariaqarluni, ikaarsaarnermi  
aaqqiinnermik atuinissaq, suliffeqarfinnut periarfissiissutaassasoq GrønlandsBanken-imit  
unnersuussutaavoq.

Tamanna tunuliaqutaralugu GrønlandsBanken-ip oqaaseqaatai naapigiarumallugit  
ikaarsaarutaasumik aalajangersagaliortoqarpoq.

**Ilanngussat:**

- 1) Uunga siunnersuut: Naalagaaffimmit akuerisaasut kukkunersiuisut aamma  
kukkunersiuisut nalunaarsugaasut pillugit inatsimmik Kalaallit Nunaanni  
atuutilersitsineq pillugu peqqussut.
- 2) Suliffeqarfiit tamanit soqutigisaqarfigineqartut naatsorsuutaannik inatsisit malillugit  
kukkunersiuisussaatitaanermut piumasaqaatit aalajangersimasut pillugit Europa-  
Parlament-ip aamma Råd-ip peqqussutaa (EU) nr. 537/2014, 16. april 2014-imeersoq
- 3) Naalagaaffimmit akuerisaasut kukkunersiuisut aamma kukkunersiuisut  
nalunaarsugaasut pillugit inatsimmik Kalaallit Nunaannut atuutilersitsineq pillugu  
peqqussummik eqikkaaneq.